



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Philosophistæ Seu Excerpta Pauca Ex Multis Libris,
Thesibus, Dictatis Theologicis**

[S.l.], [ca. 1692]

1644. Rodericus De Arriaga.

urn:nbn:de:hbz:466:1-39173

moraretur Deus, posset aliquis mori ante cognitio- I. PARS.
nem Dei. Quid igitur fieret de illo adulto sine pec-
cato mortali? Respondeo facile in nostro ca-
su dicendum pertinere ad eandem providentiam
Dei, ut nullus infidelis adultus moriatur donec vel
cognoscat Deum, vel saltem dubitet & culpabiliter
omittat ejus inquisitionem, vel non obstante illo du-
bio committat alia peccata gravia, quæ quidem jam
erunt omnino mortalia; cum exponat se periculo
offendendi illum Conditorem de quo dubitat an sit.

RODERICUS DE ARIAGA.

Hunc proximè sequitur Rodericus de Ariaga Je-
suita Hispanus, qui in Tract. de Actibus humanis
Disput. 19. num. 56. & alibi utitur voce PECCATI
PHILOSOPHICI seu PECCATI PHILOSOPHICÆ SUMPTI.
ut cum n. 56. dicit: secunda pars nostræ sententiæ
sit: etiam sine lege æterna Dei potest intelligi actio
mala moralis seu peccatum Philosophicæ sumptum.
sed rem ipsam satis exprimit in Tract. de Deo trino &
uno Disput. 2. sect. 3. quod ut clare pateat, notentur
sequentia.

Ego sanè vix dubito, inquit, quin multi possint
inveniri, in quibus nec per umbram similis excite-
tur ratiocinatio: (nimirum circa Dei existentiam)
poterunt ergo habere ignorantiam invincibilem
Dei. Et infrà sic objicit: Ergo talis homo ignorans
Deum non peccabit mortaliter, etiamsi aliud o-
cidat & putet se malè facere: nam peccatum mō-
tale definitur communiter, dictum, factum vel con-
cupitum contra legem æternam Dei: ille autem
legem æternam ignorat: ergo non peccat, licet nos-
cat se ~~contra~~ rationem agere. Hac tenus objectio, cui
sic respondet.

A 2

De

4 PHILOSOPHIAE

I. PARS. De hoc egi in materia de actibus humanis (*volumen est in folio impressum Antwerpia anno 1644.*) dixique talem non promeritum per illud factum pœnam æternam, sed temporalem gravem, ad modum quo à Republicâ sufficenter punitur furtum, quatenus est contra illam, vel virgis vel suspendio. Nam ratio promerendi pœnam æternam solum desumitur ex eo quod aliquis homo, saltem in confuso, noscat se offendere Deum summum: quod in ignorantia non reperitur, nec inconveniens est in tali concedere eam actionem non esse pœnam æternam dignam ex ignorantia illâ invincibili.

Et in Tract. de Actibus humanis Disput. 19. sect. 10. statuit primò hanc conclusionem: Peccatum in ratione mortalis, sive ut condigna pœna æterna, solum constituitur in ordine ad legem æternam Dei.

Deinde n. 44. dicit illius Conclusionis rationem à priori non facile inveniendam: refert tamen aliquos Recentiores discurrentes hoc modo: Eo ipso quo quis operatur contra dictamen rationis, operatur contra legem æternam Dei, & sicut implicat peccare non operantem contra dictamen rationis, ita etiam implicat peccare non operando contra legem Dei. Hæc tamen doctrina, inquit, non subsistit, quia negari nequit posse saltem divinitus in aliquo homine esse ignorantiam invincibilem Dei. Et verò crediderim sèpè de facto id contingere, si v.g. rusticum vel alium quempiam statim ab usu rationis præceptor, cui ille valde fidet, doceret nullum esse Deum, sed cœlos à seipso moveri, homines à seipso propagari, &c. Insuper si in tali casu etiam edoceretur aliqua objecta esse indigna homine & turpia moraliter, v. g. mendacium, homicidium, pollutionem &c. certè iste opera-

operaretur contra dictamen rationis, quo noverat I. PARS.
talia objecta inhonesta esse vitanda, contra legem
vero æternam Dei nullatenus operaretur formaliter,
quandoquidem non solum eam legem ignoraret in-
vincibiliter, sed potius errorem contra illam etiam
invincibilem haberet, putans esse chimæram, Deum
adstruere, & consequenter legem illius. *Hinc in-*
fert contra Recentiores illos: Ergo in hoc casu dare-
tur peccatum sine contrarietate ad legem æternam
Dei: hoc est pure Philosophicum.

Postquam n. 45. & 46. retulit alium modum dis-
currendi aliorum Recentiorum, qui rationem Con-
clusionis anteposita petunt ex repugnantia amoris Dei
super omnia cum peccato mortali, contra hos arguit in
hunc modum: Si semel conceditur hominem haben-
tem usum rationis in aliquo casu posse ignorare in-
vincibiliter, peccatum & malum morale esse contra
Deum, non video, cur id repugnet in hoc ordine
rerum, in quo potest esse tanta stoliditas in aliquo
homine quoad istud punctum, quanta in alio ordine
possibili rerum. Imò (ut suprà dixi) est valde pro-
babile, eam ignorantiam SÆPE contingere. Et certè
si ab aliquo nequam Parocho ita ab infantia rusti-
cus instrueretur, procul dubio haberet talem igno-
rantiam invincibilem de Deo, & consequenter ig-
noraret mala moraliter esse contra Deum.

His præmissis, incipit proponere suam sententiam
bis verbis: Priusquam nostram & communem sen-
tentiam persuadeam, adverte aliquid hic de nomine
miseri, aliquid de re. De re, utrum illa actio con-
tra naturam rationalem (Deo invincibiliter igno-
rato:) foret digna pœnâ æternâ, & odio Dei gravi,
quali nunc Deus peccatores odio habet.....
Circa punctum de ipsâ re Conclusio sit, Illud ma-

6 PHILOSOPHISTÆ.

I. PARS. Ium morale cum ignorantia Dei invincibili, sive vocetur peccatum, sive non, non est condignum pœnâ æternâ, ut sæpè insinuavimus.

Conatur hanc suam sententiam stabilire, & pro ea citat varios, ac n. 50. subjungit: Et res videtur mihi valde clara, quia, ut dixi, Theologi non aliunde videntur interre dignitatem pœnæ æternæ, quam ex ratione offensæ divinæ. Et licet fortassis aliqui negligit citationem Dei, & consequenter non posse committi malum grave mortaliter sine ratione peccati; omnes tamen admissunt illam conditionalem, quam S. Th. ponit, scilicet, si posset esse ea separatio, non futurum illud malum ejus gravitatis cuius nunc est; ergo cum nos maxime solum de illa conditionali loquamur. (antea quippe ratur, si sufficienter admiserat ignorantiam invincibilem Dei) quidem concedi debet nobis favere omnes ferè Theologos. S. Th. nihil simile habet nequitur ex nostra sententia multa gravissima scelera ibi nec liberari à ratione peccati mortalis PROPTER INADVARIIIS locis VERTENTIAM ad Dei offensam. Ponit unam recusitari sponsionem Patris Lugo, quæ negat id sequi, & præsolitis, sed q. 20. tereā addit: si sequeretur id quod objiciunt, potius a. 3. dicit illud optandum fore quam timendum, quia per hoc non fore vitaretur ea gravitas summa, quæ in offensa Dei, qua peccatum si ab actu separetur, inter Barbaros multi sunt qui de Deo nullam habent notitiam: Ergo saltem illi tunc non peccabunt. Respondeo, si sit invincibilis ea N. 23. ignorantia, omnino excusandos. Dices, quò ergo tales ibunt post mortem? Dici potest eos gravi aliquâ pœnâ temporali torquendos, & dein ad Limbum cum pueris destinandos.

BER-